



RICCIACUS FRËNN * 1977-2007

Communiqué de presse
Donneschden, den 2. August 2007

«RICCIACUS FAMILLE-FEST ZU DUELEM»

IV. AUGUSTUS MMVII, PRIMÄRSCHOUL DUELEM

d'Ricciacus Famillje-Fest de 4. August huet d'Vocation vum engem populäre "Wisefest" fir d'ganz Famill mat villen Aktivitéite fir d'Kanner. Mir hun dem Fest eng réimesch Nues gin a riichten eis ganz besonneg un eis kleng "Réimer".

De ganzen Dag iwer spillen a bastele mir mat de Kanner. Sie kënnen sech hieren eegene Meilesteen fir an de Gaart "meesselen", mam Romy Weydert aus dem Keramikatelier ënner fachfraalecher Uleedung hier eegen "Uelegluucht" töpferen, sech hiere ganz perséinleche Legionnär als Porte-Stylo afierwen oder awer d'Konscht vum Mosaik-Leeën ausprobéieren. Wie net moolen a "schaffe" wëll, ka sech bei enger Rëtsch Spiller amuséieren oder een Tour um Pony oder mat der grousser Päerdskutsch dréien. Déi grouss Wiss bei der Neier Schoul lued richteg zum Spillen a rëntollen an.

Ab 10 Auer starte mir ee "Réimer-Rallye" um Site vum Fest - deen dann de ganzen Dag iwer fonktionnéiert - mat knëffelege Froe ronderëm Ricciacus an d'Réimer an deem engen oder anere Spill. Um 17.45 Auer ass d'Präissverdeelung virgesin.

Ab 11 Auer ass eise klenge Maart op mat e.a. dem Keramik-Atelier Hesper, dem Beiemann vu Rolleng, engem Drechsler deen säin Handwierk demonstréiert, enger Dame déi Glas-Bjoux-Konscht ausstellt, de Foyer "La Cerisaie" (Fondation Kräizbiereg) vum Duelem huet ee Stand ... a natierlech duerf de Verkafsstand vum de Ricciacus Frënn net feelen. Mir sin ganz besonneg frou , dass sech de Foyer "La Cerisaie" begeschtert gewisen huet bei eisem Fest matzewierken. Dat ass an eisen Aan eng flott Geleegeheet a Richtung Integratioun vum eise behënnerte Matbierger aus der Gemeng.

Um 11.30 Auer gin eis "d'Troaterbattiën" ee Concert zum "Gustatio" (Apéritif) zum Beschten. De Georges Calteux a seng Muséker-Kollege wëssen emmer rëm hiere Publikum ze begeschteren, dës Kéier vläit am "Réimer-Look"? Mir loosse eis iwerraschen.

Ab 12 Auer zervéiert den Armand Faber, eise Metzler aus dem Duerf, ee Wëldschwäin mat roudem Kabes a Spätzle. Dem Armand säi Schwäin um Spiess ass landeswäit bekannt. Ee Wëldschwäin um Spiess ass allerdéngs eng Raritéit. Mir bidden awer nach aner réimesch Spezialitéiten un, wéi z.B. "Lucanicae" eng Zort Grillwurscht an "Isicia" déi réimesch Boulette, zervéiert mat Fladebrout wéi deemools. Natierlech duerf de "Moretum", eng réimesch Frëschkéis-Zoubereedung mat Kreider aus dem Gaart – preparéiert vum eiser Sekretärin Laure Junker an dem Chef aus dem Restaurant Lavandin - a engem "Mostrbéidche" – aus der Bäckerei Schumacher - net feelen. Dann hu mir awer och nach Zalooten, verschidden Desserts a Glacen , well et ass ee wonnerschéine sonnegen Dag gemellt. Eng weider Spezialitéit vum de Réimer huet d'Cave „Laurent a Rita Kox“ fir eis gemaach: de "Mulsum" ee séisse Gewürzwäin, dee souwuel als "Gustatio" wéi och beim lessen vum de Réimer appreciéiert war.

Highlight vum Dag ass sécherlech d'Parade "Romana" vum de Kanner aus eise Kannerateliers. Um 14 Auer geet et lass. Mat hiere selwergestaltete Rüstunge weisen d'Kanner, wéi déi réimesch Arméi - vläit och zu Ricciacus - iwert de Kiem marschéiert ass.



RICCIACUS FRËNN * 1977-2007

Den Emgang mat Schwert a Schëld gëtt och gewisen. Dës Parade gëtt vun den Troaterbattiën an engem "echte" Legionnär aus der Fiels, dem Laurentius, begleet. De Laurentius bréngt och nach Ausstellungsstécker mat, notamment Gladiatoren-Helmer a Lanzen.

Am Usschloss un d'Parade, iwerreechen d'Kanner aus der Duelemer Schoul de Gemengenautoritéiten ee grouse Mosaik, dee sie am Numm vun de Ricciacus Frënn gefäerdeg hun.

Bleiw nach ze bemierken, dass d'Ausstellung vun de Kannerateliers de ganzen Dag am Préau vun der Schoul ze bewonneren ass .

RICCIACUS FAMILLE-FEST : AM RÉIMESCHEN AMBIENTE

4. August 2007, bei der neier Primärschoul zu Duelem, Kierlengerstrooss
hannert dem Footballsterrain - vun 10 Auer bis 18 Auer

NÄCHSTE RENDEZ-VOUS VUM JUBILÄUM : KONFERENZ VUM HÄR MICHEL POLFER, DIREKTER VUM MNHA

20. Sept. 2007 am Centre Culturel vun Duelem
19 Auer „Treverergebiet an der Réimerzäit – lëtzebuergesch Archäologie vun de leschte Joeren“
op Invitatioun

A PROPOS DE L'ASSOCIATION « RICCIACUS FRËNN »

Le 16 mai 1977 des fervents de l'histoire romaine et de l'archéologie se sont réunis à la mairie de Dalheim pour fonder une association de soutien et d'encouragement en faveur du projet archéologique des pouvoirs publics avec pour objet « d'encourager, de promouvoir et de soutenir toute activité en vue de la mise à découvert des vestiges romains à Dalheim et environs ... ». Nombreuses sont les activités de l'association : entrevues avec les autorités responsables du projet archéologique, acquisition de terrains, financement d'étudiants pour soutenir les fouilles, organisation de journées « porte ouverte », visites guidées et publications diverses, reproduction et vente d'objets. Depuis 1984, l'association est présidée par Monsieur Louis Karmeyer.